



Broj poziva: JP-1/26

Datum: 23. januar 2026. godine

Vijeće mladih Federacije Bosne i Hercegovine (u daljem tekstu: VMFBiH) u skladu sa Statutom, i propisanim internim pravilima i procedurama organizacije raspisuje:

Javni poziv za učešće mladih na Treningu za facilitatore/ice (u daljem tekstu Trening)

Pozadina poziva

Trening za facilitatore/ice realizuje se u okviru projekta "Vrijeme je za mlade, mir i sigurnost", koji implementira Vijeće mladih Federacije Bosne i Hercegovine uz podršku Regionalnog ureda za saradnju mladih (RYCO), a finansira Ministarstvo vanjskih poslova Savezne Republike Njemačke.

Youth, Peace & Security (YPS) agenda, zasnovana na Rezoluciji 2250 Vijeća sigurnosti UN-a, prepoznaje mlade kao ključne aktere u izgradnji mira i sigurnosti, te promoviše njihovu zaštitu, osnaživanje i učešće u procesima donošenja odluka.

Na temelju dugogodišnjeg iskustva i prepoznatih pozitivnih praksi, VMFBiH prepoznaje potrebu da dodatno osnaži mlade pojedince/ke koji/e žele aktivno učestvovati u procesima donošenja odluka i doprinijeti oblikovanju politika i rješenja koja se direktno tiču mladih. Kroz ovaj trening, mladima se pruža prilika da steknu znanja i praktične vještine potrebne za kvalitetno i ravnopravno učešće u dijalogu s institucijama, samostalno facilitiranje razgovora i fokus grupa, kao i strukturirano artikulisanje stavova, prijedloga i preporuka koje mogu biti uvažene u institucionalnim procesima.

Dodatno, u okviru ovog projekta VMFBiH nastavlja razvijati i unapređivati praksu Razgovoruša - strukturiranih i sadržajnih dijaloga između mladih i predstavnika institucija vlasti. Razgovoruše se realizuju sa predstavnicima različitih nivoa vlasti - lokalnog, kantonalnog i entitetskog, ali i kroz rad u manjim grupama, fokus grupama i tematskim razgovorima, čime se osigurava dublje razumijevanje problema i kvalitetnija razrada prijedloga rješenja. Poseban fokus stavlja se na to da razgovori ne ostanu samo na nivou diskusije, već da rezultiraju jasnim zaključcima i preporukama, koje se dostavljaju nadležnim institucijama, uz praćenje njihovog daljnjeg postupanja.





O treningu

Trening predstavlja usmjerenu i interaktivnu obuku za **25 mladih**, osmišljenu da ih praktično osposobi za samostalno vođenje strukturiranih **razgovora između mladih i institucija vlasti**, kao i za moderiranje fokus grupa, javnih diskusija i drugih participativnih procesa u lokalnim zajednicama. Poseban naglasak stavlja se na jačanje samopouzdanja i kapaciteta mladih da argumentovano, konstruktivno i ravnopravno komuniciraju sa predstavnicima vlasti na različitim nivoima.

Kroz trening, učesnici/e će biti osnaženi/e da pokreću i vode razgovore o ključnim temama od značaja za mlade, uključujući institucionalne mehanizme za mlade, zapošljavanje i samozapošljavanje, formalno i neformalno obrazovanje, zdravlje, sigurnost i socijalnu brigu, aktivizam, volonterizam i učešće u procesima donošenja odluka, kao i pristup kulturi, sportu i inkluzivnim javnim sadržajima. Fokus će biti na povezivanju stvarnih potreba mladih sa konkretnim institucionalnim rješenjima.

Tokom treninga, učesnici/e će razvijati konkretne i primjenjive vještine, uključujući javni nastup i efikasnu komunikaciju, upravljanje grupnom dinamikom, facilitaciju dijaloga i fokus grupa, podsticanje inkluzivne i sigurne komunikacije, kao i strukturirano bilježenje ključnih uvida, zaključaka i preporuka koje mogu poslužiti kao osnova za dalje zagovaranje prema institucijama.

Po završetku treninga, svaki učesnik/ca će dobiti **priznanje o završenoj obuci**, te će biti osposobljen/a da samostalno inicira, organizuje i vodi Razgovoruše i slične participativne procese u svojoj zajednici. Dodatno, odabrani učesnici/e će biti uključeni u **bazu facilitatora** Vijeća mladih Federacije Bosne i Hercegovine, čime stiču mogućnost budućih angažmana u ulozi facilitatora/ica u aktivnostima i procesima koje provodi VMFBiH, u skladu s potrebama i planiranim aktivnostima.

Lokacija i vrijeme održavanja

Trening će biti održan **od 13. do 15. februara 2026. godine** u blizini Sarajeva. Odabrani polaznici će biti blagovremeno obaviješteni o tehničkim i logističkim detaljima.

VMFBiH zadržava pravo izmjene termina treninga i pravovremeno će obavijestiti odabrane učesnike.

Za sve odabrane učesnike/ce treninga obezbjeđeni su smještaj i hrana tokom trajanja treninga, putni troškovi i radni materijali.





Kriteriji za prijavu

Prijaviti se mogu mlade osobe koje ispunjavaju sljedeće kriterije:

- starosna dob od 15 do 30 godina;
- državljanstvo Bosne i Hercegovine;
- aktivan/a pojedinac/ka u zajednici koji/a je član omladinske organizacije, nevladine organizacije, krovnog tijela mladih ili neformalne grupe mladih u svojoj zajednici; i/ili omladinski radnik/ca;
- motivacija za rad na temama od značaja za mlade i facilitaciji dijaloga;
- uredno popunjena prijava i dostavljena tražena dokumentacija.

Način prijave

Prijave se dostavljaju putem online obrasca, koji se nalazi na [LINKU](#).

Rok za prijavu: 5. februar 2025. godine do 23:59 sati

VMFBiH će izvršiti selekciju na osnovu ispunjenosti kriterija i motivacije kandidata/kinja. Rezultati selekcije biće dostavljeni putem e-maila svim prijavljenima.

Pitanja i dodatne informacije

Eventualna pitanja mogu se postaviti putem e-maila na hana.kunic@vijecemladih.ba ili telefonom na 033/204-104.

Nepotpune i nepravovremeno pristigle prijave neće biti uzete u razmatranje.

Sve informacije o VMFBiH mogu se naći na www.vijecemladih.ba.

NAPOMENA: Izrazi koji su radi preglednosti dati u jednom gramatičkom rodu u dokumentu bez diskriminacije se odnose jednako na osobe svih rodova.

